

潛研堂詩續集

潛研堂詩續集卷四

嘉定錢大昕

秋颿中丞招游靈巖山館

四面湖山列翠屏，清虛中有快哉亭。
地高合讓名公占，水靜還招冷客聽。
細雨秋添潏潏白，遠峯晚偕樹煙青。
靈巖從此成佳話，日棧中丞書畫舫。

章淮樹觀察安園落成招飲

勝游不羨入山深，但要身安趣可尋。
老樹崢嶸皆古貌，虛堂屈曲侶文心。
一泓水淨容初月，百尺樓高俯碧岑。
招引吾儕無事飲，寒它清閬老雲林。

送袁香亭之官粵東

御屏名列幾多時
粵嶠清風試一麾
美政久書江表傳
詞人例作嶺南詩
天開韶石多奇骨
春到花田有異姿
五馬經行看不盡
畧憑驛使報儂知

烈女篇

美長沙周繼聖母馬氏也元孫克開官九江知
府述其事屬紀以詩

我哀五尺刀出自梁州鐵
不斷囚人頭卻染烈女血
借問烈女誰云是長沙周馬氏之淑媛
德行功容修亂離丁明季盜起西南陬
郡城夜失守殺人高于邱或言周

家兒智勇百夫特，偶機忽及門。逼迫令就職，母間呼兒前。亟走勿徘徊，汝身列庠序。大義不可乖，賊怒攻其家。質母以招子，纍纍繫長繩。子來則免爾，母願三新婦。恥與賊俱生，同日罵賊灰。以全令子名，當時衣冠流。俛首求苟活，苟活亦何爲。遺臭及朽骨，堂堂周家母。獨抱松柏心，千秋血痕在。入地爲球琳，劉項其逐鹿。匪有逆順別，陵母能知興。史家贊明決，何如周母賢。舍生得所安，我亦舊史氏。請補彤管編。

嚴道甫五十壽詩

棲霞千仞翠當空，江左風流屬謝公。退自急流纔算勇，

力能造命不居功
朝家掌故巾箱裏
海內名賢編紵中
只恐蒼生催又起
未容五十復稱翁

何須極貴又長生
安穩江鄉是化城
詩卷新排成巨富
煙霞偶戀亦多情
屏風任繪香山像
走卒能知涑水名
道德指歸曾自了
僊家世系出君平

送秋颿中丞再撫秦中

紫泥銜詔入煙岑
雲岫無心又作霖
山水尙留名士住
封疆仍要重臣臨
河聲嶽色應無恙
細柳長楊試再尋
喜動三秦諸父老
郊迎遙識八騶音

金陵寓齋偶然作

鬱鬱長千里蕭蕭石子岡六朝多貴人地下埋黃腸風
流晉王謝威武明徐常骨肉久已腐姓名或未亡何來
邨學究褒貶信口張大義引春秋撥交用申商九原若
有知胡廬笑千場讚誦非我榮詭言不我妨惡口而兩
舌罪難逃空王

劉頂管未爭同時奉義帝入關已如約兵端自漢始若
翁且分羹何有一旒贅縱然垓下成焉官北面事編素
誓三軍偶用董公說藉刼五諸侯以遂吞嚙計陋儒無
具胆妄謂明大義仗順利執言是以分成敗請看濠梁
興亦承龍鳳制南征溺膠舟便是重瞳例

人言百王融不如一係宗王儉
預顧命豈能及茹公何怪任彥升
低頭謝梅蟲梁皇起博士手勅大業崇
卅年斷房室分桃非意中朱異縱云異
生犀有何功菱花不返照翻嗤漢鄧通

典午管南渡建康當洛都算緡佐軍國
仙給惟三吳濟濟衣冠族寄命江海隅
王馬共天下江謝亦膏腴黃口乳尙臭
公然佩鉤魚佗意抑南土謂與京洛殊
仰戴牛斗天俛飲揚子泉口猶學吳語
身且衣吳縣惟有仕宦格便若雲泥懸
一朝淮水絕高門皆灰煙

王謝兩安石前後負盛名文靖清蕩人
擁鼻詠洛生艸

付傾國來應之了不驚小兒已破賊相公局未裏制勝
有要著非以僥倖成介甫不曉事執拗新法行盲人騎
瞎馬欲致萬里行程可憐天津橋忽來杜宇鳴退歸領外
祠鍾山噉魚羹一墩亦何有乃與古人爭

北水如英雄三伏氣乃吐常時出人勝衣帶策馬渡南
水如君子風雨不改度窮冬水盡涸滔滔尙如故紫髯
孫仲謀倚此當子桓風俗阿童利青蓋遂北轅六代與
南唐傀儡各登場江神但大笑誰爲分短長

吳杉亭同年輓詩

三乘八綫算虛空九弄雙聲玉鑰通傲骨怕交當路士

開官不礙讀書功門生淚灑陰堂與故友心驚病艸叢
召試六人吾最少眼昏頭白亦成翁

贈何南原

風流東海說三何今代南原較更多文本性成兼有學
句從苦得卻能和但求元晏先生序不落空同七子科
指點梅岡居負郭秋深要訪碩人阿

自歎

誰能中夜守黃庭檢點流光黯淚零蒲柳已非春日翠
槿花猶有半餘馨眼昏久怪燈常暗目瞶翻疑雨不停
未敢堂前譚老景卻難遮掩鬢星星

自京口至江寧道中口占

不作江心汗漫游
經邱尋壑勝登舟
石尤縱欲將人阻
且放籃輿出一頭

中泠汲水記前緣
失喜芙蓉落眼前
浮玉山靈應見請
過門不入又多年

下蜀東陽半日程
霏藍翕黛認分明
青山未必皆奇秀
相見多時覺有情

鍾山一脈曲蟠龍
側嶺橫坡過幾重
怪底蒼髯曾入夢

不曾肥見一科松

地名有五科松

曲榭高臺半化灰
有人訪古拭莓苔
誰知一箇麒麟在

曾見南唐東晉來

喜雨

天欲醫人渴農皆得意顛畦如碁界布秧學繡針穿翠
嶺頭新沐清渠股引連無多溝澮水也潤幾區田

南浦觀察署中畜鶴飛去數月頃又歸來公子
慶貞有詩次韻

振翮歸乘昨夜風何須招鶴待坡翁長身暫立青雲外
瘦影重看皓月中一公詎能忘故侶再來真不羨冥鴻
主人情重方圖報未有飛揚到遠空

樂土無如十畝園舊巢安穩當乘軒僊翁自肯低頭住

童子何勞折柳樊細雨梳翎仍故步曲池照影記前痕
想嫌天上罡風勁拳足花閒寄夢魂

送周卉舍游武昌兼訊吳白華學使

桐石相投調最和故人無那別離何杜陵且作諸侯客
宋玉空聽郢上歌挂席卻勝騎馬快擬騷定到涉江多
南皮吳質如垂問爲報錢郎兩鬢皤

臺城二十四韻

六代此臺城蕭梁恨未平金甌終古缺棟樹管時榮蚤
歲游王邸同僚喚騎兵美須眞帝系方領學書生火屋
靈符應瑤臺罪貫盈復讐伍員弟隱痛伯升兄撻武功

纔定囚堯局已成風流兼晉代禮樂慕周京不向蒼鷹
擊何曾走狗烹才華諸子擅富壽一身并月滿虧容易
牆高隙漸萌暴師人是脂享庶幾爲牲四大終難捨三
災那免嬰癡心求佛助彈指見天傾白馬青絲繫彌猴
瓦尾掙蹊開延臥虎索朽馭犇麀菜少全無醬某蔬不
下枰禪機衣帶縛國計紙鳶輕艸艸航頭戰匆匆郭外
盟將軍猶自勞餓鬼竟相迎得鹿身旋失焚巢悔莫更
天非以項籍公亦負齊明苦樂都歸幻冤親或有情千
秋畱懺汰梵夾獨標名

諸謁堂招同仇一鷗王心原蔣亶夫游湖上

西子湖邊柳招人出郭行寺先尋瑪瑙地僅隔牛鳴溜
水聲相荅屏風削儼成翻嗤趙承旨行者怕畱名
高嶺別初陽溪阿啟上方丹爐僊令杳泉味僕夫嘗入
座衣都卸巡檐帽不妨半閒應讓我山水許平章
晴雨總相宜茲游兩得之竹含名士秀石學老夫癡濃
澹無心畫煙雲化意妄天公師薄相撩撥幾篇詩

六一泉

歐公晚思潁潁上有底好縱復有西湖小巫安足道豈
如武林西煙水清浩淼孤山峙中央疑割蓬萊島惜哉
六一翁屐齒竟未到賴有老門生補天出奇巧嘉名錫

清泉如見歸田老西鄰林處士握手恨不蚤一勺到處
有此翁後難紹飛僊或往來稽首薦蘋藻

寓舍偶然作

風濈濈雨淒淒泥滑滑路悠悠水行風打頭陸行石礙
腳人言出門苦不如在家樂在家未全樂出門未全苦
婦歎我不聞兒唬我不睹夜投逆旅主人延客卮酒一
瓢以永今夕

喜晤李匪川同年

月湖間有地行僊小別都門十五年勇退敢希錢若水
論文重就李青蓮簪花舊侶晨星少翦燭談夜雨懸

猶怕故人巖電失郎君爲檢枕中篇

公子玉亭爲予製方治目昏

賀祝監祠

賀公吳語未全狂乞取激湖一曲涼
領裏八僊游酒國招呼十友習真方
黃冠偶伴山人服白水猶縈佚老堂
歸及開元全盛日曾聽鼙鼓破霓裳

題范氏天一閣

天一前朝閣藏書二百年丹黃經次道花水
陋平泉聽先人訓遺畱後代賢
誰知旋馬地寶氣應奎躔

題竹初丈小像

買山何必付空譚獨樂園中徑闢三方丈
蓬壺總凡俗

風流別有竹初庵

四面紅雲著色攢石邊微襯翠檀欒十分生趣誰能領
春在先生彩筆端

寒梅竹外太清孤薑韭千畦計亦迂萬樹桃花佗供養
神僊富貴總輸吾

奉化

地是千家聚人畱一宿緣學參已易妙文自剡源傳最
凌風山秀休譚雪竇禪生憎老彌勒坐擁滿囊錢

山行

四面青螺簇中分白水渠松谿遙度嶺竹筱偃擎魚雲

薄添波皺花絲襯石疏誅茅隨處可眞稱野人居

海口

海口三家社山田再熟良連枷纔打麥襄擔又挑秧橫
笛僮歌緩提筐婦筐忙一年空拮据不見盎贏糧

方正學祠

嘆盡常山舌血紅讀書種子果推公一門都入全歸錄
五尺羞稱靖難功煮海久知劉渢志勞軍難得亞夫忠
長陵金碗今零落尸祝何如老禿翁

雨止

快雨倏然晴將山送入城山田金碧畫鉤勒最分明

散竹生石閒不隨巖勢曲不願干青雲睡可醫人俗

小谿

巖斷沙衝水刮摩如拳如卵又如梭只疑石丈癡頑甚
也有胃中磊塊多

夜雨平添萬壑雷小谿百折瀉瓊瑰怪它瑩澈全無垢
一滴原從華頂來

桐巖嶺下仙

依巖傍澗數家邨位置天然獨樂園山不知名皆繚藉
樹當入夏倍豐緜日邊但覺聾雷響眼底俄驚積雪翻
青筠綠蕤都入畫大癡粉本此間存

將至台州

四面雲煙疊巒鬟
台州何地不青山
客衣那有紅塵染
身在松風竹露閒

東黃見滄太守

監輿行徧翠嶙峋
握手南衙爲洗塵
地近天台山總妙
郡達賢守俗還淳
當官不改詩書味
練事終歸質素人
送我一筇華頂去
寄情物外亦經綸

午日同王條山登巾子山

青山招手向吾曹
仁霽天教半日遨
游興不隨年紀老
詩情要與翠微高
鶴依古塔軒昂立
竹護禪扉結構牢

如此佳辰逢舊雨，捫蘿登陟那辭勞。

東湖

琉璃十頃恰平鋪，此地曾名小鑑湖。
身到淤泥心不滓，清風萬古屬樵夫。

台州名宦祠

與政金華彥，著書譜經世。何哉好大言，嗤人不識字。
文人善相輕，平地生盤柘。部民訟長官，白簡亦常事。
株連嚴蕊兒，毋乃罪文致。小唐侮自取，大儒難輕議。
卻晒陳同甫，饒舌太無謂。只今名宦祠，栗主仍並置。
遺愛猶在人，俎豆兩不媿。東坡謝伊川，永叔彈待制。
大節苟未虧。

何弗安同異

自臨海西郭至百步谿

青山無數破空來
蹴踏奔騰萬馬回
屈曲沿谿一百里
引人清夢入天台

百步谿頭竹筏連
清波湍激不容船
真人羽化不知處
依舊山青月在天

一雨前谿起急湍
平沙未覺路行難
青螺洗後眞容見
分付詩人著眼看

贈天台何明府

芒屨居然行脚僧
石梁初試一枝藤
地逢賢主心花放

人到名山眼力增，紺塔精籃都涉歷。
金庭石室欲飛騰，撥囊不少游山句。
何遜前頭敢自矜。

題張氏來復園

前代司空第

明都御史工部侍郎張文郁別業

猶存獨樂園，金魚浮水

面碧，蘚染雲樵樹。迴延山秀林陰入，夏繇旅人留一宿。
聊遠俗塵喧。

赤城

何年吳剛斧修此，芙蓉城青碧了不著。
生面萬古賴披奇，自此始賈勇雲中行。
巖洞呀然豁鑿削，皆天成虛空。本無物安用百雉營，得非丹砂窟古僊鍊精英氣凝。

不散如火如霞明山靈特護惜失險高崢嶸申命六丁
守勿使愚公爭青城丈人來款關或相迎鄙哉公輸子
雲梯乃敢攖

病國清寺

出城數里優清奇初地開堂智者師當而峯知十回向
低頭樹習四威儀三乘禪教元無二一宿津梁自不疲
聞說寒山詩偈妙春來飛錫去何之

主僧寶林有擬寒山詩適它出不值

三賢堂

此身何意別人牛凡眼區區笑趙州只向空山認蹠迹
誰知五百應真游

寒山

捷習多事遇寒山無喜無嘆付等閑掃地偶然叉手立
不將姓氏落人閒

拾得

冰壺無影月無胎騎虎松門了不猜日對文殊渾未識
五臺行腳笑空回

豐干

一行禪師塔

門外弟子來安能布算得我亦涉九章不隨人目食
三百六十度昉自九執術一公初未寫衣珠當面失

高明寺

百折羊腸下碧岑四圍螺髻護繡林梵書不蠹千年字
古鉢猶疑大海音石氣靜如僧入定泉聲清似客長吟

一鏡止觀須牢守休負當年演教心

頤高明寺壁贈實雲上人

十二招提智者遺天台止觀一宗持啞羊只把精藍占
忘卻開山老祖師

口頭播弄鬪鋒鉞訶佛居然智慧林也佯儒家南渡後
不譚經義學觀心

貝多經葉滑于繒佛鉢當年乞食曾獨有幽谿雲長老
教宗猶守一孤鐙

幽谿

翠嶺列如屏幽谿響不停天風忽吹墮一卷淨名經

圓通洞

有漏雲生隔無嶼樹礙衣祇容曼殊坐不許偃鼠飛
此石大方廣中有不二門破除昏暗鎖成就智慧相

金地嶺

隱約青螺八字舒雲中招手意何如世人錯認真身佛
也懸金鍬地上居

宿華頂寺

一簪安居流夢清夢中猶是御風行老僧不設蓮花漏
自有山禽夜打更
竹瘦藤枯古石斜白雲畱護法王家溪山氣候元來別

五月初開芍藥花

紙閣繩牀土木骸本無一物惹塵埃故知白鳥趨炎客

不到清涼佛地來

華頂無蚊

照倉山光百食泉青雲爲佩月爲船人間此福輕消受
要抵黃金肘後懸

右軍墨池

此水何年黑傳聞筆陣揮至今池畔石猶是墨豬肥

太白書堂

自是天僊謫孤高絕四鄰詩成鬼神泣入室更何人

華頂峯

洞府煙嵐鎖幾重中央結頂翠芙蓉風高不放鬆杉古
氣暖欣無雪霰封八郡排連紛可數羣山拱伏貌逾恭
此行未負隨身脯已踏天台第一峯

登華頂仙歌

台山性蘊藉弗矜峭削名中藏石棱外不露元氣渾厚
由天成窮子骨立袒肩背何如僊人雲衣霞佩朝玉京
高居懸下界接引登紫清後來或居上天衢道自亨不
然卓立一萬八千丈身無六翮安得凌空行淺人不解
事妄謂累土殊平平請看瓊臺夾雙闕娟娟玉筍抽新
萌請看銅壺注片練磊磊湖底排瑤瓊兒孫偶爾仙狡

猶已令觀者咤舌悚息并而況水源木本尊無對一蠡
詎可量滄瀛道高望重邈獨立文章不露世自驚鵬游
萬里蜩學笑未免饒舌蒙莊生君不見如來宴坐蓮華
頂無香味亦無色聲已經成就最上果底須屈強磊塊
要與人閒爭

茅篷

茅篷一百四十八多在白雲縹緲中有時清磬天外響
欲往尋之無路通

清泉白石兩無猜雲爲封門風爲開掃地擔柴僧本分
不曾乞食下山來

世上何人侶汝閒終朝默坐掩松關
算嫌精舍瓜牛小容得須彌一座山

疾風昨夜過山凹雨點聲聲不住敲
一箇團蒲身坐穩任宅卷去幾重茅

攜來九節萬年藤踏到空山最上層
指點團蕉如舊識前生或是打包僧

僧舍偶題

連峰八百里處處有招提魚板松閒響
蜂臺樹杪棲前生巖首座見在戒關黎
凡聖誰能別千山一鉢攜

石梁

突兀虛空兩翠屏長虹接引入青冥一條鉤漢杯中瀉
九奏鈞天檻外聽珠落玉盤皆照乘龍歸金洞挾奔霆
應眞飛錫重來到不見曇花舊日亭

蓋竹洞

洞在石梁之右臨海縣南三十里亦有蓋竹山唐仲友詩洞天爲我暫晴色使我蠟屐窮冥

接者是也

臨海奇峯簇藍橋秘洞虛同時兩蓋竹若箇是僊居

宿方廣寺

萬壑嘈呶任意鳴大音終古不虧成老夫錯道傾盆雨
自起推窗看月明

宴坐虹梁兩足尊眼前萬壑水瀾翻何須更答文殊問

此是如來不二門

老太江郎百念灰誰能擲地賦天台石梁石澗尋常境
虛費河東八記才

珠簾泉

終古銅壺漏源頭日夜添削平青玉案倒挂水精簾藤
杖接谿曲芒屨闢石尖此閒人迹少或許老夫潛

斷橋

斷橋本非橋積雪亦無雪鉅瀉瀉一門六時流不歇

萬年寺

我攜萬年藤公訪萬年寺夾道皆松櫟滿衣染蒼翠應

眞所往來八峯自環衛泉響襟風曆如是西來意

羅漢嶺

佛有千萬名羅漢但五百非少亦非多雲過本無迹

寒風闕

獨上寒風闕身輕氣亦清自非列禦寇誰到化人城

桐柏宮

桐柏僊人地琳房儼玉京瑤臺如可接月屋此經行導
引張無夢棲眞杜廣成乘雲倘來下我欲問長生

夷齊廬

星化珠旒霞化縹黃冠自古傲朝衫誰知采薇西山老

卻換天曹僕射衙

古貌棱棱白石身清風百世不緇磷山中蕨粉明于雪

攜到空祠禮聖人

山中有蕨雞粉

訪崇道古迹得二絕句

擇木開元數八分金庭妙迹劫灰焚祇餘乾道尚書牒

留鎮山門認白雲

桐柏宮前有乾道四年五月尚書省牒碑其畧云崇道觀西白雲庵以崇

奉皇帝本命香火賜額白雲昌壽觀牒尾署衙者二人

其一參知政事陳其一尚書左僕射同中書門下事不

書姓皆有押以史攷之蓋蔣希陳俊卿也又尚書省割

付二道一為乾道四年五月一為乾道六年十一月皆

刻于碑之下方碑陰刻乾道二年七月行在尚書戶部

帖帖後列衙者五人祕書省祕書郎沈押員外郎韓

侍郎曾押侍郎方押尚

書國府縣志皆失載

宮觀名賢迭主持攷亭道學劒南詩千年姓氏人爭羨
卻笑從無提舉祠

瓊臺

中天積翠自亭茗壁立雲端若可招鶯嶺移來藏地肺
羊腸穿入達山腰誰能絕粒棲靈府或許吹笙度子喬
未到上頭吾已足侶曾摩頂向層霄

桃源

灼灼桃花逐水流僊人采藥漫勾畱山中半載當千歲
如此長生我欲愁

幾生修到洞門開春鳥如何喚便回冷笑神人亦凡眼

劉晨元不是僊才

艸露風鐙景不留鬼詩多事浣丹邱曹唐豈是謬覺客
且伴千頭壯水牛

護國寺

韶公飛錫地忠懿布金緣路入桃源近鐙猶泐肥傳碑
存天聖字塔認建隆孰一掬門生淚憑闌獨黯然

壁間有武

進錢文敏公手書予座主也

潛研堂詩續集卷四

門人黃鍾校字

潛研堂詩續集卷五

嘉定錢大昕

出山口占

入夏頗多雨游山偏得晴石梁東道主特地化人情
橫厓非一形旦暮亦千變真嘲兩眼昏尙認台山面
立腳先須穩寬心乃得安高峯不敢上爲怕下來難
鴈蕩不多程欲行又復止寄語主山神我非櫟穢子

石梁觀瀑圖爲華秋樸賦

石梁之瀑天下奇曾曾夢到今見之白龍兩條半空下
勢均力敵誰雄雌盤盤困困忽會合一瀉千里驅算追

天公手筆不平衍中流一束匪夷思巨靈擘開未全斷
奔雷掣電趨雙扉長虹宛宛只盈尺雲端宴坐人天師
波濤噴薄腳底過挂下百道鋸琉璃將落未落自衝激
化作雪絮漫天飛兜羅縣見世尊面冰綃繒織鮫人絲
匡廬鴈蕩小弱弟其餘俛視如嬰兒徘徊欲去不忍去
小別又落塵寰卑秋檉好事乃過我前年觀瀑畱新詩
丹青師爾存彷彿泠泠寒意生鬚眉永嘉前生嚴首座
安知吾輩非同時置身要在僊佛國應眞五百相游嬉
原泉萬斛一口便吸盡咳唾散落皆珠璣

題黃雲門先生傳眞圖

管間東坡語山色清淨身四大本和合百歲如轉輪獨
有名不朽終古長嶙峋黃公人中俊量與叔度倫降靈
良非偶維嶽生甫申先公方持節官舍懸弧辰雲門翠
當戶肇錫名有因宣聖禱尼山表德義則均果應山水
秀爽氣摩秋旻致身青雲上風采傾播紳奉常掌邦禮
司農筦天囷開府督八州漕轉河淮濬三臺夏八座敷
歷四十春晚歲出視學玉尺臨東秦人稱大小馮校士
同清勤按部到青社星移迹已陳高峯宛無恙慈蔭若
可親天門簪百仞不染元規塵一笑爲指點卽吾面目
眞是一本非二肖形兼肖神騎箕倏歸去住世纔七旬

永叔神清洞魯直山谷民人間偶遊戲不昧來太津山
兮人斯在非主亦非賓奇石筋骨露清泉咳唾勻絳霞
爲公裳白雲爲公巾岱宗公舊識崑崙公新鄰恆幹有
解脫真性無沈淪皓月光未滅清風久逾新此是不壞
相手澤空永珍

重過桐巖嶺

石疑斧劈痕猶在泉似簾垂疊更奇可怪世人惟目食
好山如此不留詩

漫山青翠不霑衣邨舍多依石作扉一路谿聲琴筑韻
替將鼓吹送儂歸

麻密

麻密桑洲地錯連依山高下半秧田漚菅午曬垂垂線
引算家分活活泉島曰綠杉皆本業橫峯側嶺與因緣
堯夫元有行窩例合置黃茅屋數椽

雨宿止觀庵

一陣淋頭雨放顛前途泥滑怕爭先何人特置阿蘭若
準備先生自在眠

脫了菅衫卻換絲黃梅雨後峭寒天羊裘五月尋常事
漫認嚴光作地僊

海口南五里地名鉅窰當是江瑤之謫也予游

明州不及陵江瑤柱今日過此戲畱一絕句

張融食指竟虛搖未趁春風三月潮一笑梅林堪解渴
柵墟海口有江瑤

奉化谿漲

一滴涓涓可濫觴分流石罅響笙簧無端俗與風沙力
纔出山來便作狂

水碓高低趁急湍平橋沒水漲痕寬漁翁赤腳當谿立
可有嘉魚上釣竿

登舟

雨後潮猶急天陰夏轉寒孤舟如竹葉上坝度危湍伸

腳安眠優低頭得句難推筭時一快青翠數峯攢

王陽明祠

半壁南天一戰收蠻中夏俗伏波籌功名已上麒麟閣
德望真懸泰華旒信有文章兼道學漫因門戶快恩讐
蚍蜉撼樹噬何益試看姚江萬古流

雨過上虞

樹影山光自接連秧田活活瀉清泉小舟上埧如人立
急雨生泡侶的圓六月披裘非意料三江放櫂有前緣
計程一舍梁湖近問渡先尋幼婦篇

偶作

樹瘦翻稱古巖敞卻有姿
偃如尸沁玉臭腐佗神奇

積雨

積雨谿全漲溪邨戶不闔
郊墟都沒路池沼已平階
赤腳牽船上蒼苔染壁皆
青山空在眼不敢試芒屨

自題天台游艸

算欺潦倒白鬚翁雙闕瑤臺在眼中
編就紀行詩百首卻拋兩月著書功

一賦興公萬古傳幾曾屐齒到山前
契舟求劍嗤吾輩已落禪家第二詮

斗酒雙柑便足奇詭癡耗紙亦奚爲
故人曾授偃空訣

只虞游山不佗詩

竹坡嘗語予游山是樂事若佗詩乃自尋煩惱也予淺服其言

豆腐

殷殷雷車響已收
勞薪夜煮氣波波
凝脂點處吳鹽細
練布包來下玉柔
冰雪心腸原不俗
酸鹹滋味任相投
天公畱與燴霞訣
供養先生六十秋

題金丈月泉弄孫圖

江鄉尊宿魯靈光
解組歸來又卅霜
絲竹東山何足慕
凌它珠樹列成行

含香粉署鱸堂師
一妙凌寒翠竹姿

謂荅坡駕部
置樂圖廣文

子又

生孫相接武梧桐
百尺出新枝

贈寶應吳明府閬林

千里相思命駕時
官衙握手慰心期
湖光都入詩人句
輿誦將刊德政碑
紫蟹過秋還有味
黃花垂老更多姿
樽前吳語皆知舊
潦倒何辭泛一卮

閬林以滿粉詩見示爲賦一律

重湖新滿載連船
九轉還丹至味全
曝向庭中冰葉脆
澂將食底鏡紋圓
色香自信身無垢
磨鍊方成質最妍
貢篚親題僊令製
要呈清白聖人前

題侯大年先生鳳阿山房圖

朱查

竹垞初白

題句吳梅

漁山耦長

畫前輩風流若可攀
突兀山

房疑在眼勝它廣厦萬千間

買山畢竟付空譚
留得詩書一味甘
忠義文章有嗣響
故家喬木重東南

小唐廬偶題

逃名何必更逃虛
一室蕭然自掃除
公有私乎偏愛竹
客無能也且觀書
花心午聚娟娟曉
池面晴浮策策魚
誰是王筠多識字
老夫還擬賦郊居

敬修上人招集江心寺卽席口占

香林背郭隔牛鳴
淼淼江流可濯纓
人到譚禪心自定
節當浴佛雨初晴
撚鬚不爲吟來斷
撒手須從悟處行

半日化城容小住品茶煮筍味都清

次韻范孝廉莪亭

心侶冰壺萬里清
牙籤一一盡來精
著書已勝金樓子
汲古常攜玉帶生
嗜好未除終遠俗
文章愈老井忘名
客中奚喜陪游屐
松島蓉洲寄遠情

題乞食圖傳奇

雲山舊衲話風流
竿木逢場化戲游
肉肥料應無識者
卻煩紅粉一回頭

雪中鴻爪偶畱痕
妙句新題悟石軒
難得傾城悅名士
偏從乞食識王孫

叔寶清兼昭畧狂玉山醉後易積唐青衫一領判拋卻
洗滌從來玃礫腸

游絲一縷本無因香雪輕埋玉樹春不是楊枝沾淞雨
崔徽爭見卷中人

中山千日只匆匆喚醒三生泡影同但願有情總圓滿
不教人怨可憐蟲

騷人骨相自清寒碧落黃泉見面難誰道返魂真有術
春回江令彩豪端

題文敏公書

并序

此先師武進尚書文敏公所書以當座右銘者

大昕在京師晨夕造謁誦書皆上口公歸道
山十有五年門下士亦落落如晨星每憶槐蔭
書屋從游之樂杳如隔世今夏過竹初丈小林
棲忽復見之則已裘界成冊矣泣然感愴情見
乎辭

十年不見老僊翁坡公句筆力依然玉局同
誰續晦庵言行錄平生心迹數行中

虛堂猶記鶴翔名回首西州淚暗傾
萬斛原泉文格壯
瓣香一縷在欒城

頤印松汀觀察隱几觀書圖

胷中不讀萬卷書，軀幹雖偉精神枯。詎有伏獵杖杜輩，
而能致治如唐虞。中令論語纔半部，惠施多方且五車。
醞釀搢紳功不淺，漱芳傾液樂有餘。先生本是文章伯，
東方文史三冬儲。柏臺梧掖久敷歷，帝命持節來海隅。
天台山明高萬丈，前身僊佛無筌殊。五花判牘公事
了，心清已到太古初。天然斐几滑可鑑，丙丁甲乙細囊
舒。詞章襍積猶小技，經濟要使仁風敷。伊余衰病文思
涸，隱几自笑非故吾。亟欲相從析疑義，源泉萬斛相灌
輸。

顯座主交敏公仿元四家長卷

茶山本天人游戲爲畫師
胸中磊落有五嶽天機活潑
出怪奇蓬山侍直廿餘載
絕藝不許人寰知我聞論畫
如論禪宗派亦以南北岐摩詰
一翁作初祖吳黃倪王
四葉垂曹谿汰乳出龍象
煙翁妙手孫謀貽麓臺已往
誰嗣響惟公心摹手獨追
試觀此圖和合四家法驅使
前詰如嬰兒五日一水十日
石松杉枯柏點綴位置皆
得宜蒼茫浩瀚一氣合筆墨
斷處神猶隨畫成付令弟
知音今鍾期自言傲麓臺
魄力實過之西堂春艸冷
管夢撫卷老淚雙漣洏
立功立言已不朽餘技亦復
曠能爲鯁生一見但下拜
曾記解衣盤礴揮毫時

英公夢堂藏文敏公詩卷羣公題詠甚多未幾
夢堂下世此卷流落市肆竹初丈于京邸得之
屬題其後

竹井收藏物

竹井夢堂號

茶山絕妙詞朗吟挂蘭句何減浣

花詩過眼幾相失對牀慰所思還如蘇玉局寄贈耶君
時

題王定山所藏秦漢瓦當拓本

番易釋漢隸甄鑿厯四五五鳳出孔林西京製猶古瓦
當咎未聞奇文祕榛蒼烏傷偶收四目眩詫始睹今又
數百年靈怪忽盡吐外園中藏稜四出恰交午奇哉陶

旃工能繼籀斯武金薤忽倒垂玉筍競雙舉團團螳旋
磨滿滿箭注弩長生及長樂頌禱多古語文同形或殊
百變不踰矩上林都司空異名復幾許汲古趙晉齋與

俞竹居

爬接入藏弄吾家篆秋生

獻之

臭味亦其伍各

有芟痂癖寶此若璜琥用以代陶泓不惜錦囊貯王君
今名儒好事癖翟侶頻年游三秦古物徧摩撫一一拓
其文裴池甲乙序如捫列星垣如啟羣王府銅雀并香
羹俯視等爾汝珍重什襲儲勿使六丁取

題趙文似水墨花鳥冊

謝女題詩筆最神綠窗輕染墨痕勻四時花鳥隨心造

腕底元來別有春

暈碧殷紅著色酣黃徐舊譜擅江南誰知林下空空手
生意都從水墨含

石上靈芝竹外梅離奇疏瘦了無埃天然一種煙霞秀
侶帶寒山面目來

香茗才華絕代誇停雲指訣付兒家孤芳自有幽人賞
不羨裴堂富貴花

閔峙庭中丞七十

開府東南渥澤敷福星十載在三吳風裁峻潔凌霜柏
心地光明照乘珠處事無疑由定力素風不改見眞儒

七旬矍鑠今希有精鍊猶能敵萬夫

卅年北闕荷恩光德望中朝孰鴈行岳牧半曹爲
屬吏俊髦誰不列門牆曲江金鑑春常朗魏國黃花晚
盃香卻喜懸弧逢夏仲銅壺晷景最縣長

鐸石侍郎以新刻詩集見貽卽次集中寄懷之
韻報之

誰能八座更抽簪況有鄉園近墨林沈率郊居初願遂
杜公詩律晚年深谿谿山眼底皆殊相花艸豪端見素心
清望高文兼第一評量合向古人尋

如公斯稱文章伯媿我曾陪著化林蠶食青編身愧弱

鯨游碧海力方涊廿年以長常低首千載相期可證心
記否宣南坊裏住雞棲車小數追尋

附原作

錢載

困學前惟王伯厚日知近有顧亭林儒家獨起山川
秀史籍方搜歲月涊但乞遠書長隔面勿言多病突
驚心鳳城是事難忘處蘭臭如君數往尋

三月十九日蔣香洲立厓招集復園送春席間
次潘榕皋戶部韻

太平時節自由身折簡招邀爲送春張丈殷兄皆老宿
盧前王後總詩人小橋宛轉因波曲新柳芊絲著絮勻

九十風光休錯過
襖游纔了又茲辰

聞漑亭姪金陵之計

讀書種子汝墳篋

謂獻之

弱族何堪一个菱
拾芥科名虛

到手寒檀仕宦未伸眉
三篇注補龍駒闕六律元從鳳

管推

著有史記三書釋疑及律呂正義諸書

嘔盡心肝按奧窔千秋絕業

欲傳誰

頻年書報欲歸休
恒幹誰知不少畱
寡婦忍聽王粲賦

遺孤慎保叔敖邱
薌香猶記先人授

漑亭從先君子授業

某水都

同曩日游後我成名
先我灰阮生那禁淚交流

絕句

焉用胡椒八百可憐鍾乳三千冰山彈指銷卻劍樹轉
肥淒然

阮何一雙風貌王謝累葉華腴當日登場傀儡有人掩
口胡盧

甲煎元知淺俗三葛況復癡疏墜花偶然上席醫痔常
得多車

閱人臃腫有味用山谷詩見事鶻突無妨且過三平二滿不

管五角六張

讀書漢魏而上置身木鴈之間不解學僊學佛但記某
水某山

靈鶴不如拙鳩快馬不如鈍牛記得黃滔翁語眞富貴
在千秋

過將軍教場衝衝舊寓庭前槐大半已枯感賦
廿六年前慨此塵槐陰如繖一庭圓植非晉國槐難久
夢化淳于晝暫眠磊落長身猶老輩支離半體笑枯禪
恒河我亦羞窺影搔首西風獨黯然

題邵二雲編修所藏王文成公詩卷

正德庚辰
八月望爲

惟賢憲副書元日霧二
日雨再游九華三詩

一掬憂時淚千秋講道心淋漓四百字鄭重短長吟理
直詞無飾文雄學更滋青門勤什襲寶此當南環

程易疇臨董文敏書王文肅祠記長卷付其幼

孫屬予題之

文肅家聲舊香光墨妙存臨撫推老手鄭重付董孫益

壽言多驗

易疇得漢印文云程壽因鈴卷末

傳經道獨尊黃金何足羨

樸學在韋門

何處期頤安來言逢吉占

頤頤首者郭檢討閩人年一百五歲

銀鉤留甲

觀瑜珥歲丁添豐芑詒三世衰池重百鍊自慚無長物

付與阿同拈

予長孫與予同甲子生小名阿同

荆軻里

七首懷中出諸郎殿下看燕丹心未死趙政膽先寒成

敗論人易從容舍命難千秋猶灑淚易水共洑瀾

郭隗故里

郭隗能陳義燕昭自愛才唯嫌枯朽骨不稱住金臺

中山靖王墓

煮豆煎何急懲羹勢自成慨慷聞樂日怨悵聚豕聲百
廿枝餘衍春秋祭薦誠樓桑畱一脈正統續東京

曲陽道中

向禽山水有前期投老全無濟勝資五嶽平生唯到此
此來又拜曲陽祠

謁北嶽廟

管年住阜平擬整曲陽戀泥淖不果前蹉跎竟卅歲南
北漫奔波向禽志未遂竭來訪故人

定州牧郭秋舉已
前主試所得士

中山十日醉爲言安天祠近在兩舍內扶病買餘勇
行幕已至詰朝叩元關撫衣升瑤陛冕旒儼中央羣神
翊拱衛祠宮仿宸居想自唐宋制左城及右平廊廡極
壯麗禹貢表山川志大不舉細太行與碣石中有恆山
峙飛狐紫荆險聯縣只一氣大茂當其脊巍然特蒼翠
古聖崇明禋度縣稱望祭虞巡十一月秩祀卽此地三
代洎漢晉馨香儀勿替孔鄭經師宗固彪史學最箋注
迭相承千秋靡異議豐碑列如林周覽拭目皆最古稱

開元三碑承最肩丞相張嘉貞郡僚陳懷志復有鄭子
春波礫近漢隸天寶戴千齡隸法亦髣髴天祐碑已殘
猶存處直字神物想護持風沙未晦昧孤亭魯其西汴
宋鉅公製安陽將相材修廡手自記書法遍平原過者
正襟視元之文章伯黃書亦秀媚區區五鬼徒鼎立有
餘媿祥符醮告文中斷瓦礫棄損者已可傷完者邈可
貴其餘元明刻凡俗不足計異哉飛來石明人妄顛議
菌蠢斷碣材輒云舜所致紛紛目食流阜白倏倒置空
令好古士到茲三歎喟渾源自言高吾游姑舍是淋漓
翠墨鮮目驗亟藏笥

雪浪石

瘦削眞空裏，攜一拳價已抵懸黎。山中大有纍纍石，
不得坡公一品題。

松醪手製滑如油，石丈相邀共勸酬。若準仇池韓幹例，
也應換得幾驊騮。

卽事

一宵供頓酒如池，破費貧家萬戶貲。算怪茂宏頻障扇，
污人塵白庾元規。

眞定道中

偶趁雞鳴起，衰遲意已闌。日高風力緩，霜重樹心寒。一

水渟沲繞羣峯紫翠蟠前游宛在肥泥爪忍重看

客有言蘇味道不當昌其後者賦此解之

四時鬼朴換匆匆羅織爭誇告密工此際棹梭已難得
不矜獬豸觸邪功

肥鄉道中

漳水南遷後孤城百堵新肥鄉仍瘠土行客木閒人獸
聽丁冬鐸難障堀堞塵泥塗知兔屨不雨已兼旬

車中口占

金波穆穆恰當頭露重沙平不礙輶只侶圍篷船一葉
夜乘明月泛汀洲

百里行程未算遙老來筋骨怕翻搖生平腰恥爲人折
難蕩誰知亦折腰

欠伸休道打頭低也有障塵布幔齊最喜深秋連日霽
不煩泥滑竹雞啼

堯山紫翠若爲容乘興居然欲往從從此南行八百里
更無峭蒨道旁峯

潭水秋枯一綫平廣平南公卽元城天教此老添詩料
畧補生平未歷程

題徐雲樵石鐘山圖

我昔揚驅左蠡過石鐘對面鬱嵯峨三夏未聽噌吰響

披卷無端觸緒多

一記坡僊萬古傳
清宵恍忽奏鈞天
重開生面徐熙筆
山月湖風落眼前

潛研堂詩續集卷五

門人黃鐘校字